




ZAŠTO NAM JE POREBNA REFORMA DIREKTNIH POREZA

Zašto Federacija treba donijeti novi Zakon o porezu na dobit , Zakon o porezu na dohodak i Zakon o doprinosima???

NOVI ZAKON O POREZU NA DOHODAK JE POREBAN:

Da pojednostavi sveukupni porezni sistem u Federaciji

1. Novi Zakon o porezu na dohodak je dobar za Federaciju jer zamjenjuje porez na plaću i sljedeće kantonalne poreze građana:
 - a. Prihod od tantijema, patenata i autorskih prava
 - b. Prihod od iznajmljivanja imovine i imovinskih prava
 - c. Porez na dobit za poduzetnike
 - d. Porez na poljoprivredne djelatnosti
 - e. Porez na ukupan prihod fizičkih osoba preko određenog iznosa koji ostvaruju fizička lica (osobe sa visokim primanjima)
 - f. Porez na dobitke od nagradnih igara i igara na sreću
2. Svaki kanton ima svoje zakone za ove poreze, tako da će ovaj jedan novi Zakon zamijeniti u vidu potpuno harmonizovanog poreza oko 60 različitih kantonalnih poreza u cijeloj Federaciji.



9

Da pomogne izgraditi jedinstveni ekonomski prostor

3. Porezna stopa za bilo koji pojedini porez građana može varirati od kantona do kantona. Porez na dohodak ovo eliminira, pomažući da se kreira “jedinstveni ekonomski prostor” u Federaciji.
4. Novi porez na dohodak je konzistentan sa sistemima poreza na dohodak Evrope i ostalih zemalja OECD-a.

Da unaprijedi pravičnost postojeće mješavine poreza na dohodak

5. Porezi građana koje porez na dohodak zamjenjuje imaju različite porezne stope za slične prihode. Novi Zakon će tretirati osobe pravičnije tako što će se primjenjivati ista stopa oporezivanja bez obzira na izvor prihoda.
6. Interakcija poreza građana i poreza na plaću može rezultirati dvostrukim oporezivanjem u sadašnjem sistemu – još jedan primjer nepravičnosti.
7. Novi porez na dohodak uključuje dobar sistem poreza po odbitku kakav postoji u svim savremenim sistemima poreza na dohodak širom svijeta. Taj sistem će znatno povećati izvršavanje obaveza. Bolje izvršavanje obaveza znači više pravičnosti – svi porezni obveznici snose svoj udio u poreznom opterećenju.

Prihodi na koje se ne plaća porez na dohodak su:

- prihodi po osnovi naknada koje su isplaćene do visine propisane posebnim propisima (topli obrok, regres za godišnji odmor, dnevnice za službeno putovanje i sl)
- stipendije i krediti studentima na redovnom školovanju kao i prihodi ostvareni preko studentskih zadruga do određenog iznosa
- prihodi od kamata na štednju u bankama, štedionicama i štedno-kreditnim zadrugama, bankovnim računima i kamate na državne obveznice

Stopa poreza

Zakonom je predložen progresivni sistem stopa:

- - **10% do trostrukog osnovnog ličnog odbitka (do 600,- KM) i**
- **15% iznad trostrukog osnovnog ličnog odbitka (preko 600,-KM).**

Kod utvrđivanje oporezivog dohotka zakon je utvrdio mogućnost umanjenja porezne osnovice za iznos osnovnog ličnog odbitka na koji ima pravo svaki porezni obveznik i on iznosi 2.400 KM godišnje, odnosno 200,00 KM mjesечно.

Zakonom je predložen progresivni sistem stopa i za uzdržavane članove uže porodice:

Umanjena porezna osnovica

1. Lični odbitak

Oporezivi dohodak se umanjuje za lične odbitke, na koji ima pravo svaki rezidentni porezni obveznik:

- **2.400 KM godišnje, osnovni lični odbitak**
- Za izdržavane članove:
- **0,5 osnovnog ličnog odbitka za izdržavanog bračnog druga i isti iznos za prvo dijete, godišnje 1.200 KM**
- **0,7 osnovnog ličnog odbitka za drugo dijete, godišnje 1.680 KM**
- **0,9 osnovnog ličnog odbitka za treće i svako dalje dijete, godišnje 2.160 KM**
- **0,3 osnovnog ličnog odbitka za izdržavane članove uže porodice i po osnovu invaliditeta, godišnje 720 KM.**

Novim Zakonom o porezu na dohodak realiziraju se privredni i socijalni ciljevi.

Oko 80 posto, odnosno oko 305.000 zaposlenih sa najnižim primanjima će plaćati manje poreza na dohodak po osnovi plaća iz radnog odnosa, , što pokazuje da ovaj zakon nudi pravednije oporezivanje dohotka prema ekonomskoj snazi poreznog obveznika, uvažavajući njegove osobne okolnosti i obiteljsko stanje.

Zaposlenima sa većim plaćama, porez na dohodak po osnovi plaća iz radnog odnosa se povećava. Oni koji primaju plaću od 2.000,00 do 2.500,00 KM porez raste za 136 posto u prosjeku, a na plaće veće od 2.500 KM porez u prosjeku raste 65 posto.

:__:_:__:_:__:_:__:_:__:_:__:_:

NOVI ZAKON O POREZU NA DOBIT JE POTREBAN:

Da poboljša konkurentnost, pravičnost i učinkovitost

1. Novi predloženi Zakon o porezu na dobit snizuje poreznu stopu sa 30% na samo 10%, čineći ovo jednim od najkonkurentnijih zakona o porezu na dobit u svijetu.
2. Novi porez tretira strana i domaća poduzeća na isti način, pravičnije.
3. Novi porezni zakon omogućava ubrzanu amortizaciju kapitalnih ulaganja.
4. Novi porezni zakon priprema Federaciju za budući ekonomski rast tako što definira poreznu situaciju osvrćući se na spajanja poduzeća i kupovine.
5. Novi porezni zakon eliminira niz neproduktivnih poreznih olakšica i kredita koje imaju izrazito negativan učinak na prihode budžeta. Analiza pokazuje da novi Zakon o porezu na dobit može lako udvostručiti javne prihode iz ovog izvora, čak i uz smanjenje porezne stope koja je nametnuta poduzećima.

Olakšice koje se ukidaju

- Za novoosnovano društvo
- Za poduzeća koja djeluju u slobodnim zonama
- Za poduzeća sa ulaganjem stranih lica
- Za reinvestiranje oporezive dobiti
- Za ujednačavajući porez

NOVE OLAKŠICE

- Oslobađanje plaćanja poreza na dobit za obveznike koji ostvare preko 30% izvoza od ukupno ostvarenog prihoda i po tom osnovu imaju pravo povrata PDV-a.
 - Obveznik se oslobađa plaćanja poreza na dobit za period od pet godina počevši od prve godine investiranja, ako u periodu od pet godina izvrši investiranje od najmanje 20 mil. KM.
 - Poslovna jedinica nerezidenta koji je osnovan izvan teritorije Federacije, a u Bosni i Hercegovini oslobađa se plaćanja poreza na dobit koju ostvari poslovanjem na teritoriji Federacije.
-

Da pomogne izgraditi jedinstveni ekonomski prostor

6. Novi porezni zakon je harmoniziran sa porezom u RS.
7. Novi porez na dobit je konzistentan sa sistemima poreza na dobit u Evropi i drugim zemljama OECD-a. Zajedno sa novim porezom na dohodak će poboljšati klimu za ulaganje u BiH.

NOVI ZAKON O DOPRINOSIMA JE POTREBAN:

...jer će uvesti novi sistem oporezivanja plaća u Federaciji BiH
...jer će uspostaviti sistem obračuna doprinosa i poreza na dohodak kao integralni dio sistema plaća. **Obračun i plaćanje poreza vršit će se jedinstveno sa obračunom i plaćanjem doprinosa.**

...jer će uspostaviti jaču finansijsku disciplinu obveznika

SADAŠNJE NETO PLAĆE UVEĆAVAJU SE ZA 5 %

PRERAČUNATA STOPA DOPRINOSA IZ PLAĆE

- Predloženo rješenje sukladno članku 47.Zakona o porezu na dohodak:
 - sadašnje **neto plaće uvećavaju** se za 5%
 - preračunata stopa** doprinosa iz plaće,koja se koristi kod obračuna doprinosa na neto plaću **smanjuje se** sa sadašnjih 47,06 % na **44,72%**
 - preračunata stopa doprinosa na neto plaće **snižava se** sa **63,9%** na **61,59%**

IZRAČUN PLAĆA PREMA PREDLOŽENIM RJEŠENJIMA

* **Plaća = neto x 1,05263 : 0,69**

Veza- Tabela 3.	Plaća *	Doprinos izplaće	Porez na dohodak	za isplatu -neto plaća	Po sadašnjem sistemu -neto plaća
368	534	166	-	368	350
474	686	213	3	470	450
684	992	308	29	655	650
895	1.297	402	60	835	850
1.132	1.640	508	96	1.036	1.075
1.368	1.983	615	131	1.237	1.300
1.579	2.288	709	163	1.416	1.500
1.789	2.593	804	194	1.595	1.700
2.000	2.898	898	226	1.774	1.900
2.368	3.432	1.064	281	2.087	2.250
2.632	3.814	1.182	321	2.311	2.500

Praktični primjeri izračuna plaća

PRIMJER 1

1. Sadašnji sistem :

Plaća (bruto) 515
-Doprinosi 165 (zbirna stopa - 32%)

Neto plaća 350
Porez na plaću 18 (5% na plaću) na teret poslodavca

Ukupno 533

2. predložena rješenja u zakonima

Plaća 534 ($350 \times 1,05263 : 0,69$)
-Doprinosi 166 (zbirna stopa iz plaće -31%)

368

osn.odb. 200
- o.odbici 240

Porez na dohodak -

Neto 368

PRIMJER 2.

1. Sadašnji sistem :

Plaća (bruto) 662
-Doprinosi 212 (zbirna stopa - 32%)

Porez na plaću 23(5% na plaću) na teret poslodavca

Ukupno 685

2. predložena rješenja u zakonima

Plaća 686 ($450 \times 1,05263 : 0,69$)
-Doprinosi 213 (zbirna stopa iz plaće -31%)

473

-osn.odb 200
- o.odbici 240

Osnovica za porez $33 \times 10\% = 3,3$

- porez 3

Neto 470



• **PRIMJER 3.**

• 1. Sadašnji sistem:

• Plaća (bruto) 956
 -Doprinosi 306 (zbirna stopa - 32%)

 • Neto plaća 650
 Porez na plaću 33(5% na plaću) na teret poslodavca
 • Ukupno 989

• 2. predložena rješenja uz zakonima

• Plaća 992 (650x1,05263 : 0,69)
 -Doprinosi 308 (zbirna stopa iz plaće -31%)

 684
 os.n.odbit. 200
 - o.odbici 240
 Osnovica za porez 160 x 10% = 16
 84x15% = 13
 • Neto plaća -porez 29 655



• **PRIMJER 4.**

• 1. Sadašnji sistem :

• Plaća (bruto) 1250
 -Doprinosi 400(zbirna stopa - 32%)

 • Neto plaća 850
 Porez 43 (5% na plaću) na teret poslodavca
 • Ukupno 1.293

• 2. predložena rješenja u zakonima

• Plaća 1.297 (850x1,05263 : 0,69)
 -dopr. 402(zbirna stopa iz plaće -31%)

 895
 osn.odbit. 200
 - o.odbici 240
 Porez na doh. 160 x 10% = 16
 295x15% = 44

 60
 • - porez 60

 • Neto 835

U poređenju predloženih rješenja svi izračuni ukazuju na činjenicu da su u Federaciji manja opterećenja po osnovi plaća i naknada zaposlenicima kod kojih su neto plaće u rasponu od 350 do 500 KM i naknada za ishranu u toku rada do 160 KM ili u višem rasponu do 700 KM ukoliko je naknada za ishranu u toku rada 250 KM.

Predložena rješenja novog Zakona o doprinosima osiguravaju neutralan utjecaj na prihode vanbudžetskih fondova i njihovu samoodrživost.

Sarajevo, oktobar-listopad 2007. godine

Ministarstvo finansija-financija Federacije BiH
Sarajevo, Mehmeda Spahe 5 tel. +387 33 253 406
Fax: +387 33 253 462 ; e-mail: info@fmf.gov.ba